



Sermon
Kxf. Dr. Numlaajtsheb Yaaj

**“Tus Uas Muajtsia Nyob Thiab Ntseeg Kuv,
Tus Ntawd Yuav Tsis Tuag Ib Zaug Li”**

Fifth Sunday in Lent
St. Michael’s Lutheran Church
3-29-2020

Thov txoj koobhmoov txojkev hlub thiab txojkev haumxeb pub rau nej sawvdaws los ntawm Vajtswv uas yog pib Leejtxiv uas yog pib tus Cawmseej Tswv Yexus Khetos. Asmees.

Yauhas 11:25-26, “Jesus said to her, “I am the resurrection and the life. The one who believes in me will live, even though they die; and whoever lives by believing in me will never die. Do you believe this? - *Yexus hais rau Mathas haistias, “Kuv yog txojkev sawv hauv qhov tuag rov qab los thiab yog txojtsia. Tus uas ntseeg kuv, txawm yog nws tuag lawm los nws yeej yuav muaj txojtsia; tus uas muajtsia nyob thiab ntseeg kuv, tus ntawd yuav tsis tuag ib zaug li. Koj puas ntseeg kuv tej lus no?”* Nov yog Vajtswv txojlus. (Cross-reference – Yauhas 1:4; 3:16; 5:21, 26, Khalauxais 3:4, Tshwmsim 1:18 – Vs. 26 Yauhas 6:47, 50-51, 58; 8:51)

Illustration “Cemetery” (Show casket at grave site)



Thaum pib muaj ibtug uas pib hlub thiab tshua tuag ua rau pib nyuaj siab kawg nkaus. Tej zaum lawv tuag thaum mosliab, thaum tseem tiav hluas, losyog twb laus lawm mam li tuag. Thaum nej mus txog ntawm lub chaw zais “tojntxa - cemetery” nej yuav los kuasmuag thiab coob leej ntaus tug yuav los haislus txhawb nej lub zog. Nej yuav lees txais yuav lawv tej lus zoo txawm nej muaj kev quaj tu siab ntso. Tiamsis yuav nyuaj rau nej heev los lees lolus haistias, “I believe the resurrection of the body and the life everlasting – *Kuv ntseeg txojkev*

sawv hauv qhovtuag rov qab los thiab txojtsia mus ibtxhis.” Lub chaw zais tibneeg “tojntxa - cemetery” yog ib lub chaw uas ua rau tibneeg yuav lees thiab ntseeg nyuaj kawg nkaus.

- I. Yog vim li cas thiaj li yuav nyuaj tagnpaum rau pib tibneeg los lees pib txojkev ntseeg rau tej lub sijhawm muaj kev tu siab quajntsuag li no? Puas yog haistias, pib txojkev tu siab kovyeej pib lawm? Puas yog pib ntshai hais tej lolus nyobtsam pib hais tsis yog? Feem ntau pib nyob twbywm tsis hais dabtsi zoo duas. Thaum twg pib pom lub chaw zais tibneeg “tojntxa - cemetery” ua rau pib lees tsis tau pib txojkev ntseeg vim lub tojntxa ntawd zoo li lub “qham – trophy” uas yog ib lub “medal – lub kib” qhia haistias, txojkev tuag kovyeej tibneeg txojtsia lawm. (Show knockout punch)




Txawm pib yuav sivzog tuajxub kom pib kovyeej txojkev tuag los thaum kawg, txojkev tuag los kovyeej tibneeg ntiajteb txojtsia. “Death always throw a knockout punch. Death always seem to wins the gold. Death will say, “O you mortal, have lost. - *Txojkev tuag xa ibnrig xwb ces pib swb kiag. Txojkev tuag pheej yeej lub gold medal. Txojkev tuag yuav haistias, “Nej cov uas yog tibneeg twb swb lawm.”*

Yam uas kuv hais no tsuas yog pom los ntawm tibneeg oblub qhovmuag. (Show cemetery)



Tiamsis yog koj ua tibzoo saib, txojkev uas yus pom ntawd yuav dag tau yus. Koj oblub qhovmuag pom lub tojntxa, pom lub hleb, pom tus tuag – thaum no tibneeg

yuav xav haistias, txojkev tuag kovyeej lawm laus. Nov yog peb oblub qhovmuag pom los ntawm txojkev dagntxias haistias, kev tuag kovyeej lawm. (Show John 11:25-26)



Uantej peb yuav pom deb tshaj thiab tobtshaj ntawm txojkev tuag, tej tojntxa thiab pom dhau mus txog txojkev sawv ntawm txojkev tuag thiab muaj txojksia nyob mus ibtxhis, peb yuavtsum ntseeg peb tus Cawmseej Tswv Yexus Khetos lolus haistias, “I am the resurrection and the life. The one who believes in me will live, even though they die; and whoever lives by believing in me will never die... - Yexus hais rau Mathas haistias, “Kuv yog txojkev sawv hauv qhov tuag rov qab los thiab yog txojksia. Tus uas ntseeg kuv, txawm yog nws tuag lawm los nws yeej yuav muaj txojksia; tus uas muajksia nyob thiab ntseeg kuv, tus ntawd yuav tsis tuag

ib zaug li.” (Yahas 11:25-26) Thaum peb ntseeg Yexus lolus lawm, tej tojntxa, tej hleb, thiab txojkev tuag ntawd tsis muaj lub hwjchim kovyeej peb lawm.

Nyob rau peb Txojmoozoo, Maivliag, Mathas, thiab Laxalaus yog Yexus cov phoojywg zoo uas Yexus hlub. Tiamsis Laxalaus tau muaj ibtug mob, ces nws tus muam tau xa xov mus rau Yexus. Lawv tos thiab tos tiamsis Yexus pheej los tsis tau txog. Thaum Yexus los txog ces hlig dhau heev lawm. Laxalaus twb tuag lawm. Vim tus mob nce sai heev rau Laxalaus lub cev, Laxalaus thiaj li tuag.


(Show burial tomb)



Nyob rau tiam tibneeg ntawd, yog muaj ibtug twg tuag, lawv tsis muaj tu tus tuag li lub sijhawm uas peb nyob tamsimno. Yog leejtwg tuag ces lawv muab ntaub coj los qhwv lub cev, ces coj lub cev mus log rau hauv ib lub qhov zeb. Thaum lawv ua li ntawd tag lawm, lawv dov ib daim lagzeb nyav coj los thaiv lub qhov zeb ntawd kom ruaj khovkho. Tomqab ua li no tag lawm, lawv mam li siv 7 hnuv siv zog los quaj nyiav tus tuag. Dhau 7 hnuv lawm, lawv tseev siv 23 hnuv los

majmam quaj ua txojkev nco txog tus tuag uas tau ncaim lawm. Tiamsis qhovtseeb tiag, lub sijhawm uas Laxalaus tuag ntawd, tibneeg tsis paub haistias, Yexus cia kom lawv pom txog lawv tej kev nyuajsiab ntxhovplawv thiab kev quajntsuag. Nws yog tus yuav teev lawv lub kuasmuag thiab yuav rov txhawb kom lawv rov qabsiab ua neej thiab rov muaj kev cia siab rau ntawm Yexus.

II. Thaum Yexus los txog Npethanees, zoo nkaus li txhua leej txhuatus puav leej taw tes nkuav rau Yexus tias tim Yexus lawv tus txheeb tus ze thiaj li tau tuag lawm. (Show pointing finger)



Mailiag thiab Mathas thiaj li hais rau Yexus haistias, “If only you have been here, my brother would not have die. – *Yog koj nrog peb nyob ntawm no, kuv tus nus yuav tsis tuag.*” (Yauhas 11:21, 32) Thaum uas Yexus hais rau Mathas tias nws tus nus yuav rov sawv thiab muaj sia duas, Mathas teb Yexus tias, “I know he will rise again in the resurrection at the last day – *“Kuv paub haistias thaum txog hnuv kawg nws yeej yuav sawv rov qab los tiag.”* (Vs. 24) Yog peb ua tibzoo saib,

Mathas tseem tsis tau lees qhovtseeb txog txojkev sawv rov los muaj txojksia. Zoo sisthooj li no thiab peb coob tus tau taw tes nkuav rau lwmtus vim lawv tsis nyob ze peb losyog lawv tuaj tsis tau txog, peb liam haistias, tim lawv tus uas peb hlub thiaj li tau tuag lawm. Thaum peb hais li no, peb los tseem tsis tau lees qhovtseeb thiab. Peb haistias, peb yog tus ntseeg Vajtsww, tiamsis thaum twg muaj kiag ibtug txheebze tuag lawm, peb tsis txhawb lwmtus txog txojkev ntseeg Yexus. Peb tsis ua timkhawv qhia txog txojkev cawmdim sawv ntawm txojkev tuag uas yog tau txojksia mus ibtxhis.

(Show people weeping around Jesus)




Thaum Yexus pom Maivliag, Mathas, thiab cov txheeb cov ze sawvdaws quaj nplawgntias, Yexus tu siab heev. (Vs. 33) Ntauzaug thaum peb pom kev tuag li no, peb los tu siab heev thiab. Yexus totaub tias tus phoojywg uas nws hlub tau tuag lawm, nws tej phoojywg thiaj li tuaj quaj tuaj hais “goodbye – *sis ncaim*” ua zaum kawg. Cov tibneeg coob leej ntau tus tag kev cia siab. Lawv tsuas xav haistias, lawv tos tsis txog hnuv kawg uas tus tuag yuav sawv rov los lawm.

Txawm Yexus twb nrog lawv nyob lub sijhawm ntawd los xyov lub neej tseem yuav zoo li cas. Vim lawv twb muab Laxalaus faus tau 4 hnuv lawm thiab lub cev twb pib lwj lawm es Yexus yuav pab tau li cas? Thaum uas Yexus hais kom lawv muab daim lagzeb tshem, Mathas thiaj li hais rau Yexus haistias, “by this time there is a bad odor, for he has been there four days – *Tus Tswv, peb twb muab nws faus tau plaub hnuv lawm, ntshai nws twb tsw tsw lwj lawm*” (Vs. 39) **(Show Jesus encourage about God’s glory)**



Yexus thiaj li teb Mathas tias, “Did I tell you that if you believe, you will see the glory of God – *Kuv puas tau hais rau koj tias yog koj ntseeg koj yeej yuav pom Vajtswv lub koobmeej*” (Vs. 40) Qhovteeb tiag, nyob rau lub sijhawm ntawd, cov tibneeg coob coob uas nyob rau ntawm lub qhovntxa, tsis muaj leejtwg ntseeg thiab cia siab rau Yexus Txojlus. Tus uas ntseeg thiab cia siab ces yog Laxalaus tibleeg xwb. Maivliag, Mathas thiab cov txheeb cov ze tsis muaj siab ntseeg vim lawv txojkev quaj kev nyuajsiab kev tu siab los npog lawv txojkev cia siab ua rau lawv tsis pom lawm.

III. Cov kwvtij hlub thiab movtshua ntawm Tswv Yexus Khetos, Yexus lolus hais rau koj ibyam li Nws hais rau Mathas tias, “I am the resurrection and the life. The one who believes in me will live, even though they die; and whoever lives by believing in me will never die... - *Yexus hais rau Mathas haistias, “Kuv yog txojkev sawv hauv qhov tuag rov qab los thiab yog txojksia. Tus uas ntseeg kuv, txawm yog nws tuag lawm los nws yeej yuav muaj txojksia; tus uas muajksia nyob thiab ntseeg kuv, tus ntawd yuav tsis tuag ib zaug li.* (Yahas 11:25-26) **(Show Jesus raise Lazarus from the tomb)**



Tamsimno peb twb muaj Vajtswv Txojlus, koj puas ntseeg? Laxalaus ntseeg Yexus, thaum Yexus hu haistias, “Lazarus, come out – *Laxalaus koj cia li tawm los!*” (Vs. 43) Yexus hu kom tus tuag cia li tawm los. Thaum tus tuag ntawd hnov, nws tawm kiag ntawm qhovtuag rov los muajksia nyob. Txawm txojkev tuag thiab lub qhovntxa los tuav tsis tau Laxalaus cia. Vim tus uas sawv ntawm txojkev tuag tsa Laxalaus rov los muaj sia nyob ua timkhawv tias txojksia kovyeej txojkev tuag lawm.

Cov kwvtij, txhuzaug koj pom lub “tojntxa - cemetery” koj yuav lees koj txojkev ntseeg thiab cia siab haistias Yexus yog tus sawv ntawm txojkev tuag mas nyuaj kawg nkaus. **(Show Jesus resurrect from the grave)**



Tiamsis Yexus twb kovyeej txojkev txhaum, kev tuag, thiab dabntxwngnyoog kom tus uas ntseeg nws yuav tsis tuag tiamsis tau txojksia mus ibtxhis. Txawm koj raug txojkev quajntsuag, kev nyuajsiab ntshovplawv, tu siab mobsiab thiab xav haistias, koj swb lawm. Tiamsis cia koj tig saib rau ntawm Tswv Yexus Khetos, tus tau los ntsib txhuayam uas koj twb ntsib los lawm vim Yexus yog tus los hloov tagnrho txhuayam rau saum tus ntoo khaublig rau ntiajteb.

Yexus yog tus los tuag txhiv koj txojkev txhaum kom koj tau txojkev zamtxim, kev ncajnrees thiab kev dawbhuv rau ntawm Vajtswv vim Nws los raug nqaijntuag ntshav nrog kom koj tau txojksia mus ibtxhis

txawm koj lub cev tuag los koj tus ntsujplig yuav tsis tuag. Yexus yog tus pub txojkev cawmdim rau koj vim koj ntseeg. Muaj ib zajlus thov Vajtswv hais thaum St. Patrick tau thov tias:

<https://www.ourcatholicprayers.com/st-patricks-breastplate.html> (Show St. Patrick Prayer)

Christ with me,	<i>Khetos nrog kuv</i>
Christ before me,	<i>Khetos uantej kuv</i>
Christ behind me,	<i>Khetos ua kuv qab</i>
Christ in me,	<i>Khetos nyob hauv kuv</i>
Christ beneath me,	<i>Khetos nyob hauvqab kuv</i>
Christ above me,	<i>Khetos nyob sab saud kuv</i>
Christ on my right,	<i>Khetos nyob ntawm kuv sabxis</i>
Christ on my left,	<i>Khetos nyob ntawm kuv sablaug</i>
Christ when I lie down,	<i>Khetos thaum kuv pw</i>
Christ when I sit down,	<i>Khetos thaum kuv zaum</i>
Christ when I rise,	<i>Khetos thaum kuv sawv</i>



Christ in the heart of every man who thinks of me, *Khetos nyob hauv txhua tus tibneeg lub siab thaum lawv xav txog kuv,*
Christ in the mouth of everyone who speaks of me, *Khetos lub qhovncauj nyob ntawm txhuatus tibneeg uas hais txog kuv,*
Christ in every eye that sees me, *Khetos nyob ntawm txhua lub qhovmuag uas pom kuv,*
Christ in every ear that hears me, *Khetos nyob ntawm txhua lub pobntseg uas hnov kuv.*

Thov kom peb tus Cawmseej Tswv Yexus Khetos tus uas sawv muaj sia nyob lawm nrognraim koj mus txog hnub tsis muaj kawg vim koj ntseeg Nws koj yuav tsis tuag vim koj muaj sia lawm. Asmees.

Thov kom Vajtswv txujlus pub rau peb sawvdaws totaub thiab tau nyob kajsiab lug rau ntawm Tswv Yexus Khetos lub npe. Peb txhuatus uas yog Vajtswv cov menyuam peb sawvdaws hais. Asmees.